

Na osnovu člana 14. Zakona o udruženjima i fondacijama („Sl. novine FBiH“, br. 45/02) i člana 22 Statuta Udruženja, Skupština Udruženja poslodavaca u FBiH na sjednici održanoj dana 27.04.2010. godine u Sarajevu donosi:

**STATUT  
O IZMJENAMA I DOPUNAMA STATUTA  
UDRUŽENJA POSLODAVACA U FEDERACIJI BOSNE I HERCEGOVINE**

**Član. 1.**

U članu 16. iza stava 3. dodaje se novi stav 4 koji glasi:

**Ovlašćuje se UO UPFBiH, da u slučaju globalne ekonomske krize, krize u pojedinoj djelatnosti ili problema u pojedinačnoj kompaniji članici, može svojom odlukom odobriti popust na godišnju članarinu za sve članice, članice iz jedne grupacije ili pojedinu članicu.**

**Ova odredba primjenjivat će se od 01.01.2011. godine.**

**Član 2.**

U članu 29. iza alineje 16. Dodaje se nova alineja 17. koja glasi:

**U periodu između dvije Skupštine, može izvršiti zamjenu člana Ekonomsko socijalnog Vijeća, u slučajevima prestanka mandata člana ESV, predviđenih u članu 31. ovog statuta. Odluka o zamjeni člana ESV primjenjuje se do potvrđivanja od strane skupštine, na prvom narednom zasjedanju.**

**Mandat novog člana ESV-a traje do isteka mandata Članova ESV-a.**

**Član 3.**

U članu 30 iza stava 1. dodaje se novi stav 2. koji glasi:

**U slučaju jednake podjele glasova, glas predsjedavajućeg je odlučujući  
Dosadašnji stavovi 2 i 3 postaju stavovi 3 i 4.**

**Član 4.**

Iza člana 30. dodaje se novi član 30. a. koji glasi:

**Izuzetno, kada važnost i/ili hitnost, odnosno okolnosti slučaja nalažu, može se sazvati elektronska sjednica UO.**

**Saziv elektronske sjednice vrši predsjednik Upravnog odbora.**

**U slučaju da se član Udruženja ne izjasni putem elektronske pošte u određenom roku, šutnja će se smatrati za prihvatanje odluke.**

**Odmah po isteku određenog roka, Predsjednik Upravnog odbora putem elektronske pošte obavještava članove UO o rezultatima elektronskog glasanja.**

**Glasanje putem elektronske pošte ima istu pravnu snagu i obavezujuće dejstvo, kao i glasanje izvršeno na sjednici Upravnog odbora Udruženja.**

**Sva relevantna dokumenta u vezi elektronske skupštine čuvaju se u Stručnoj službi Udruženja.**

**Način sazivanja, način glasanja, predmet izjašnjavanja i rokovi za izjašnjavanje, kao i druge stvari koje nisu regulisane ovim statutom propisuju se u Poslovniku o radu Upravnog odbora.**

#### **Član 5.**

U članu 31. iza stava 1. dodaje se novi stav 2. koji glasi:

**Upravni odbor može odlučiti da prestaje članstvo u Upravnom odboru predsjedniku, zamjeniku predsjednika i članovima UO, ukoliko ne prisustvuju na više od 3 sjednice UO tokom kalendarske godine.**

#### **Član 6.**

U članu 32. iza stava 2. dodaje se novi član 3. koji glasi:

**Odluka iz stava 1. ovog člana primjenjuje se do potvrđivanja od strane skupštine, na prvom narednom zasjedanju.**

**Broj: \_\_\_\_\_**

**Predsjednik Skupštine**

**Sarajevo, \_\_\_\_\_**